




~~79. 713.~~

1) Rivandis f

nebst 2/3





(Verf. 2)

2

Ein wunderbarliche
Geschicht / Von einer
Königin auß Franckreich vnd vn-
getrewen Marschall / Auch eines alten Rits-
ters getrewen Hunde/r. Ganz
erbärmlich zu lesen.

(.)

Jg 173



Heydelberg.

M. D. LXXX.



Handwritten text in a medieval script, likely Gothic or similar, appearing as bleed-through from the reverse side of the page. The text is arranged in several lines and is significantly faded.



Handwritten text at the bottom of the page, likely a signature or a date, appearing as bleed-through from the reverse side. The text is faint and difficult to read.



Ein wunderbarliche Ge-
schicht / Von einer Königin auß
Franchreich vnd vngetreuen Marschall
Auch eines alten Kitters getreuen
Hunde / 2c. Ganz erbärmlich
zu lesen.

Die Geschicht sagt wie das da beschach
Das man in grossen ehren sach /
Von Franchreich einen König gut
Der was vor argwon wol behut /
Inder selb König vnd Herre
Saz in grossen gut vnd ehre /
Der het ein wunder schönes Weib
Sie was wolgestalt vnd grad von Leib /
Darzu züchtig vnd bescheiden
Das sie niemands mocht erleyden /
Wer sie mit augen ihe ansach
All ehr vnd lob er jr verjach.
Nun het der König ein Marschall
Dem mußt man ghorfamen vberall /
Was er ans Königs Hoff gebot
Von disem kam d' Königin in not /
Dann der verzweiflet Erzdiebe
Watt die Königin vmb die liebe /

A ij

Da sie im nun das versee
Bracht er sie in laster vnd leide/
Heimliche lieb sein hertz besaß
Die Königin vest an ehren was/
Das sie durch keinerley bette
Ab irer zucht vnd ehz drette/
Versagt ims allweg tugentlich
Vnd sprach also senfft mütiglich/
Ach Gott warumb müst du mirs an?
Bitt dich vmb Gott stand doch dorvan/
Du weist mein König der ist dir hold
Ja all sein Sylber vnd sein Gold/
Hat er beuohlen in dein hand
Burg/Stett vnd auch sein gankes Land/
Darüber du nun g'waltig bist
Drumb laß vmb Gott dein argen list/
Bis rüwig vnd bitt mich nit mehr
Dann ich wil b'halten weiblich ehz/
Der schandtlich Marschall vngetrew
Der sprach/ jekund ist mein leid new/
Warumb thünd jr mir diß hertz leide
Bitt euch gebt mir ein bessern b'scheidt/
Hab euch doch g'dient von meiner jugend
Des laßt mich genießten ewer tugend/
Ach zarte Braw nun ehzend mich

Das

Das bitt ich euch gantz inniglich/
Darauff do sprach die Königin
Ich thüs nicht auff die trewe mein/
Drumb erlaß mich diser bitte
Dann ich erhör dich furkumb nitte/
Laß ab/es wirt dir werden leide
Pact dich / dir wirt kein andrer b'scheidt:
¶ Der Marschall dacht bringt sies nun für
So weiß ich / das ich bald verlür/
Mein Leib vnd Eh? / auch alles Gut
Also weich er hin in vnmüt/
Felschlich besint er von jr scheidt
Als im sein schendliches herß riecht/
Der Königin nun allwegen pflag
So bald er scheinen sah den tag/
Das er auff stünd g'wonlicher art
Gar still von seiner Königin fart/
Das er sie rüwig schlaffen ließen
Ließ sie irer jugend geniessen/
Dann sie was von jaren nicht alt
Reit auß jagen in grünen walde/
Er gieng noch dem birssen vnd beyssen
Vnd het auch darben geheissen
Das man solt beschliessen kein thoz
Dann der Marschall der wer daruor/

Der König nun erzogen hat
Ein Zwerglin from ohn missethat/
Das nam der schnöd vppig Marschall
In seinen rathschlägen zum fall/
Vnd trugs der Frawen an jr arm
Vnd dackte sie wider zu also warm/
Er legte es naectend an jr Brust
Ir keins nicht von dem andern wußt/
Der Marschall macht sich dannen bald
Vnd eylet hin zum grünen Wald/
Wo er dann wol den König wußte
Das thet er auß falschem liste/
Als er den König ane sach
Auß falschem mund er zu jm sprach/
Herz/ laßt ewer jagen bleiben
Wir müssen etwas anders treiben/
Welchs näher euch zu herzen gahet
So darff es wol eins weisen rath/
Der König sprach/ was mag es sein?
Der Marschall sprach/ die Königin/
Die pflegt auff diese stund falsch lieb
Ir werden wol finden den dieb/
Drumb gehn mit mir gar schnell vnd drat
Ir finden sie an frischer that/
Ab der red der König sehr erschrack
Des jagens er nicht lenger pflag/

In grossen zorn da reit er heim
Und fand die zarte Königin rein/
Schlafen so sanfft an irem bette
Unwissend das sies Zwerglin bey jr hette/
Er nam's Zwerglin ohn alle schuldt
Reiß von jr mit vngedult/
Nam es gar bald bey einer hand
Schlug es gantz krefftig an ein wand/
Bis es von seinen henden starb
Sein leib het ein tödliche farb/
Ab solchem g'thümel die Fraw erwache
Sie sprach/ach Herz was ist das g'machte/
Das du bist zornes also vol?
Er sprach/du schnode weists doch wol/
Schaw wie schandtlichen du do ligst
Mich mit deiner bößheit vbergibst/
Warumb thustu mich also betrüben
Mit deiner fälschlichen lieben?
Da sprach die edel Königin zart
Wißt Herz/das ich nie schuldig ward/
An diser grossen missethat
Nicht weiß ich wie doch diß zu gahet/
Er sprach/schweig/red darwider niehe
Ich hab dich doch an diser g'schicht/
So schandtlichen jetzt da funden

A iiij

Zu diser vnfeligen stunden/
Dein leib mustu verloren han
So bald ichs nun gefügen kan/
Es fügt sich das danahelag
Ein Fürst der hoher ehren pflag/
Der war genant Herzog Leupolt
Nun merck wie es Gott fügen wolt/
Der hört nun das vng'stüm gebrächte
Er war auch von des Königs g'schlächte/
Nemlich des Königs Schwester kindt
Als man es noch geschriben findt/
Von Oesterreich was er genant
Gieng hin da er den König fandt/
Er sprach / ach Herz was zürnen jr?
Durch Gott das solln jr sagen mir/
Da sprach der König trauriglich
Beter / laß das erbarmen dich/
Sih wie die schand an ehren bloß
So schandlich hat g'handelt vbermoß
Ach Gott was such ich nun für rache
Vber dise grosse missehat?
Da sprach zu im Herzog Leupolt
Herz König jr mir verzeihen solt/
Kein schuld die Königin gewan
Etwar muß sie felschlich verrathen han/
Da

Da sprach der König Hochgeborn
Ausz ganzem grimm vnd gross'n zorn/
Will sie verbrennen auff einer hurt
Sprach der Herzog / schonen der g'bur
So sie von euch am herzen treit
Tödten jr die / es wirt euch leid/
Dann jr noch keinen Erben hand/
Vber Schloß / Stett vnd euwer Land/
Edler Herz König / nun thünd so wol
Bedencken wer diß alls Erben soll/
Geben jr doch zil biß sie genist
Dann auß dem gschrey gar vil man list/
So groß ward nie kein Sünd noch schand
Die da nicht etwas gnaden fand/
Ehend die zarte Königin
Iren auch barmherzig zu sein/
Durch d' Jungfraw die Gott selbs gebar
Nemmend doch ewer Ehren war/
Gedenckend an das arme Weib
Vnd an die frucht in irem leib/
Sie ist warlichen frommer art
Diser that sie nie schuldig ward/
Gott weiß wie sichs gefüget hat/
Das auff sie kompt solche missethat
Warumb wolten jhr sie schenden

A v

Das wöll Gott weit von euch wenden
Da sprache der König zu hand
Beter/du weist wie ich sie fand/
Am Bette ligen so schandtlich
Nun will ich zum theil ehzen dich/
Führ sie schnell ab den augen mein
Biß sie gebirt das Kindelin/
Das Kind solt du dann bringen mir
Doch lasse die Fraw hinder dir/
Da nam der Herz von Vesterreich
Die Königin so weint inniglich/
Dem König da vor seinen augen
Zur letz thet sie den König b'schawen/
Der Herzog sucht ein Edelman
Der nie kein vbel het gethan/
Sonder mit seiner sterck vnd kraffe
Bewiesen het groß Kitterschaffe/
Weit vnd breit an allen orten
War from an thaten vnd worten/
Dem beuahl er die Königin gae
Er sprach/hab sie in deiner hut/
Führ sie gar schnell in frembde Land
Da sie mög bleiben vnbevant/
Biß sie gebirt das Kindelin
Ach laß sie dir beuohlen sein/

Das

Das Kindlin solt du bringen mir
Doch laß sein Mutter hinder dir.
Der Ritter nam die Königin zart
Die ihm trewlich beuohlen ward/
Er führt sie mit jm durch ein Lhan
Das ersah bald ein falscher Mann/
Der Marschall wapnete sich bald
Er reit enlends zum grünen Wald/
Auff den Ritter da war jm gach
Der Bößwicht reit jm heimlich nach/
Der Marschall mördet den Ritter
Das er zur erden fiel nider/
Die Königin lieff schnell wie ein Volk/
Verbarg sich in das wilde Holck/
Er schleiff den Ritter ab dem Weg
Ab rechter Strassen/Ban vnd Steg/
Auff das niemandts erführ die märe
Was grossen mordts da g'schähen wäre
Wiewol er auch gern an der stett
Die Königin willens f'morden hett/
Hat sich verborzen in der g'schiche
Das er sie gar kont finden nicht/
Ein zeitlang sie im Walde was
Sie aß Laub/Wurkeln vnd das gras/
Wonet also vndrem Gwilde

Das

Das schön wunnigliche bildt/
Sie gieng so lang im wilden Lhan
Bis sie zu einem Koler kam/
Mit dem da thet sie bald sprachen
Fragt in was er da thet machen
Er sagt ich brenn vnd mach hie kol
Sie sprach/ist dir dann hiemit wol/
Es machet dich fürwar so schwarz
Das du gleich siehest wie bäch vnd hark/
Den Koler dise red nicht verdras
Er sprach/fürwar ich kan nicht bas/
Dann ich muß hie auß hungers not
Bleiben vnd harren bis in todt/
Da sprach die edel Königin
Wilt du mich bey dir lassen sein/
Was du arbeitst das hilff ich dir
Das solt du genzlich glauben mir/
Da sprach zu jr der trewe Man
Ich mag euch leider nicht began/
Als euch wol billich gmaß wäre
Nicht weiß ich wo jr kommen here/
Sie sprach/ach Koler thu so wol
Darumb ich dir auch dancken sol/
Ich hab da bey mir fünff guldin
Die nim da in den seckel dein/

End

Vnd nim den weg für dich in eyl
Saum dich nicht lang fürk mir die weil/
Vnd mach dich in die Statt Paris
Da fauff mir Seiden gel vnd weiß
Ja grüne/schwarke vnd auch blo
Darzu auch roter farben zwo/
Vnd bring vns auch nach deiner weiß
Was wir bedörffen zu der speiß/
Fragt dich dann jemandt wahn du wilt
So biß der reden nicht so mile/
Das du mich bey jemandts rügest
Dardurch mir kummer zu fügest.
¶ Der Koler thet was sie in hieß
Er horcht jr zu ohn allen verdriß
Vnd thet was in die Fraw dabatt
Er gieng gehn Paris in die State/
Vnd kaufft jr da was sie wolte
Was zu irem werck haben solte
Er kaufft jr nadlen vnd schären
Deren sie dann nicht kondt entbären
Kam vnd brachts nach irem g'sak
Würeckt von Seiden ein grossen schak/
Sie schickt den Koler in die Stett
Bath in das ers verkouffen thet/
Der Koler der lieff auß vnd ein

Biß

Bis das die edel Königin fein
Daselbst ein schönen Sohn gebar
Die zarte/reine/vierdehalb jar/
Also in dem wilden Wald was
Bis sie mit Gottes hilff genas.
¶ Hiezwischen lag der Ritter ermorde/
In denselbigen zeiten dort/
Verborgen in dem wilden thal
Merckend weiter vom selben Man/
Er het erzogen einen Hund
Der leckt in dann wo er was wund/
Bis in der hunger dannen treib
Als dann er lenger nimmer bleib/
Er lieff widerumb zu Hofe
Da Aepel waren vnd Bischoffe/
Vnd da auch grosse Herrn assend
Bey denen vil der Fürsten sassend
Der Hund lieff hinein in den Sal
Da sah er des Königs Marschall/
Mit stücken vor dem Tisch vmbgieng
Der Hund gar fräfflich an ihn hieng/
Bis das der böß schalechafftig Mann
Vber den hund den gwalt mocht han/
Der Hund der forcht sich vor dem tode
Erwischet eylends ein stück Brot/

Vnd

Vnd floch von dannen gar balde
Hinwiderumb zu dem Walde/
Da dann sein Hertz ermordet lag
Seins Herzen hat er nacht vnd tag/
Das thet er offte vnd manigmal
Dem Marschall thet er grossen qual/
Dann wenn er in den Saal thet gan
Der Hund der sach den Marschall an/
Wenn er jm beiß wunden tieff
Gar bald er wider zum Wald lieff/
Auff solchs gebot der Marschall zwor
Das man beschluß all port vnd thor/
Auff das nit aber der Hund kam
Vnd aber fräfflichen Brot nam/
Doch kam heimlichen der trew Hund
In den Stal vndern Baren stund/
Durch die Leut er dann heimlich trang
Bis er kam vnder einen banck/
Der Marschall sasse da zu tisch
Man bracht ihm vil der guten Fisch/
Der Hund der was aber nit treg
Er nam gar eben war den weg/
Vnder den Tisch da lieff er dar
Er nam des Marschalls schenckel war/
Sieng an vnd zant omb sich vnd beyß

Boz

Vor schmerken ward dem Marschal heiß
Der König da gar hoch geborn
Schrey oberlaut mit eytel zorn/
Denckend vnd tödten bald den Hund
Dann er hat den Marschall verwunde
Ja jekund vor den augen mein
So gehn nun vnd richten in dahin
Der Hund sah das der Lermen gieng
Lieff mit einem stück brodes dahin/
Wolt hinauß lauffen vnuerdrossen
Do waren alle Thor verschlossen/
Ihn daucht das man in tödten wolt
In dem ersach er Herzog Leupolt
Welcher bey dem König zu Tische saß
Vnd seiner Mutter bruder was/
Dem edlen Herzog tugend groß
Sprang der Hund schnell auff sein schoß
Da sprach der Herzog tugendreich
O edler König erhören mich/
Ich bitt euwer gnad für den Hund
Vnd erlauben mir zu der stund/
Das ich des Hundes rede thu
Da horchen ihr dann fleissig zu
Als er den König freundlich erbat
Gar g'schwind er von dem Tische trat/
Vnd

Vnd fiel dem König da zefuß
Der König sprach: Ich dich ehren muß
Auff das sprach der von Oesterreich
Herz/nit nemendes für vnbillich/
Ir lieben Herzen / hörend zu
Was grossen wunders gschicht nu/
In kampffes weiß steht hie der hund
Der thut euch Fürsten allen kundt
Daz ihm sein Herz ermordet ist
Drumb bgärt er hie zu diser frist/
Daz ir nit also vff ihn tringen
Er deut/wirt etwas fürhar bringen/
Er laßt sich also dempffen
Er wirt mit einem mörder kempffen/
Der schuldig ist an diser that
Der Marschall ihn ermordet hat/
Sein Herzen der von hinnen fuhr
Vnd euch bey ganser trewen schwur/
Zefürdren ewer nns vnd ehr
Den gseite man jekund nimmermehr/
Der ist heimlich gangen zegrund
Dem dencken nach zu diser stund/
Dader Marschall hort von dem kampff
Vor ängsten er sich offtmals rampff
Er sprach zu dem von Oesterrych/
B

Ach Herz warumb gschenden ir mich/
Ich hab euch nie kein leidts gethon
Ir sond mich diser red erlon:
Warumb zeihend ir michs mordts hie
Ich habs vmb euch verschuldet nie?
Der Herkog sprach mit schöner rede
Die er vor allen Fürsten thet/
Ir Herzen laßt euch nicht betriegen
Ir Richter solln das recht nicht biegen
Ir Fürsten wissend alle wol
Wie man mit Hunden kempffen soll
Der König einen Ritter sach
Zudem er ganz ernstlichen sprach/
Durch gunst vnd lieb so zu mir hast
Sag mir /weß du dich des verstaß/
Kath/wie man doch hie kempffen solle
Wie mans füglich angreifen wölle/
Auff das hie niemands gscheh gewalt
Du bist der jaren wol so alt/
Das du solchs hast gsehen vil
Es dunckt mich zwar kein gouckelspil/
Hie kempffen Hundt vnd Leute
Es gilt fürwar halß vnd heute.
Der Ritter sein selbs nicht vergaß
Er sagt fürwar mich duncket das/
Das man soll einen Bengel nehmen

Den soll man geben dem Ritter strengen/
Ja armes groß/vnd ellen lang
Das ist mein raht auff diser ban/
Mit dem er sich behelffen sol
Mag sich damit erwehren wol/
Kein ander gwehr er nicht bedarff
Von keinerley hand waffen scharpff/
Gegen demselbigen Hunde
Die scharpffen Zeen in seinem munde/
Damit er sich erwehren sol
Vnd mag im selbs gehelffen wol/
Von stundan ward alda verfacht
Vnd ein einhell vrt heil gmacht/
Da ward gerhaten zu den sachen
Das man ein Kampff freis solt machen
Den Marschall den verdros die zeit
Er beis die Zeen vor grossem neid/
Als der Marschall in ring ein trae
Der Herkog da die menge bat/
Ja arm vnd Reich ohn allen spott
Das sie zu stund den Herren Gott/
Anrufften/vnd trewlich dechten
Bey zustehen allhie dem Rechten/
In dem da ward gekempffet fast
Ein jeder thet dem andern last/
B is

Was einr dem andren bürden gnug
Der Marschall vff den hund da schlug.
Das er sich vff die erden bog
Der hund sich selber nit betrog/
Ein grossen sprung thet gar schnell
Vnd fiel dem mörder in die käl/
Mit beissen vnd mit manchem stoss
Den mund er gar fast zu beschloss/
Das jm das blut heraussere quiel
Der mörder vff die erden viel/
Der hund in also hefftig beiß
Das jm vßgieng der tödelich schweiß/
Der hund der reiß jm seinen ransß
Würgt jm sein fragen wie einr gangß/
Der mörder kam in grosse not
Sein hend er gegem Himmel bot/
Vnd schrey vor allen Fürsten das
Das er des mordes schuldig was/
So bald der König das erhört
Die that vnd den schandelichen mordt/
Da ließ er bald steuben den hund
Er fragt den mörder zu der stund
Ob er des mordes doch schuldig wer?
Sag mirs/das ist jekz mein beger/
Von stundan sprach der mörder do

Here

Herz König / es ist leider also /
Sag / du verzweifleter bößwicht
Was ist doch diese mörderlich geschicht /
Die du doch auff dich selber weist
Vnd es so lang verborgen treist /
Do sprach der mörder ganz zaglos
Mein kummer der ist also groß /
Mich dunckt / ich mög entrinnen nicht
Wann ich wird öffnen mein geschicht /
Den grossen mord den ich hab than
Den Ritter ich ermordet han /
Drumb das er euch in trewen schwur
Mit der Frawen von hinnen fur /
Die bat ich auff ein zeit so sehren
Das sie mich so vil solt ehren /
Ich bat / die edel Königinnen
Mein mutwill mit jr zuuerbringen /
Drumb das sie mir solches verseit
Schuff ich jr groß laster vnd leid /
Das schlaffend Zwerglin zu jr trug
In stiller weiß listigem fug /
Vnd legt irs an jr zarte brust
Jr keins nichts von dem andren wußt /
Mit falschheit ich er zuher furt
Legts das ein mund den andren brhürt /

Das thet ich das mans tödten solt
Drumb das sie mich nicht hören wolt/
Der König schrey vnd warde schwach
Vor Herkleid er da mit trehern sprach/
Ach / der jemerlichen zeiten
Thut mich so ellendlich reiten/
Ach Gott / das ich mein Frewlin zars
So gram vnd so vngnedig ward/
Vor kumber er sich selber schlug
Mit zähern er sein wangen zwug/
Ja im sein antlitz vbergussen
All freud in jm gar zerflussen/
Er raufft sich selber sehr vnd fast
Auch wo bist du ellender gast/
Mein zarte frucht / O zarter leib
Wo bistu du frommes edels Weib?
O das ich möcht auß herzen lust
Noch ein mal b'rühren dein herz vñ brust/
Ach Herze Gott ich ruff zu dir
Das du den todt wölst senden mir/
Ja vmb mein grosse sünd vnd schand
Das ich mein Weib trieb auß dem Lande/
Der König fragt bald den Böswiche
Nun sag mir an / vnd leugnes nicht/
Wahin du mit der Frawen kambst

Da

Da du dem Ritter das leben nambst?
Er sprach/ O Herz/ich b'kenn mein schuld
Billich trag ich euwer onhuld/
Die edle Fraw was nicht so treg
Sie floh gar eylends schnell hinweg/
Da ich dem Ritter nam sein leib
Da entran mir das lieblich Weib/
Ja ganz ferz hin in einen Tham
Das ich nicht wußt wa hin sie kam/
Dann ich auch gern an der stette
Die Königin auch ermordet hette/
Da hat sie sich so schnell verborgen
Das ich sie nicht kondt erwozgen/
Der König da den Hencker hieß
Das er im d'bein vnd rucken zerstiess/
Welchs er dann wol verschuldet hat
Er ließ in flechten auff ein Rad/
Darauff muß er werden Ritter
Also ward im sein end auch bitter/
Nach dem da warden Botten g'sande
Hinweg geschickt in frembde Lande/
Ob jemandts doch vernem die mer
Wohin die Fraw doch kommen wer
Man sucht sie allenthalb mit leid
Doch fand man von jr keinen b'scheid/

B iij

Das verzoeh sich wol vierdehalb jar
Was ich euch sag/das ist als war/
Sie schickt jr kauffmanschaz in dstate
Das sie mit henden gwürcket hat/
Nun vernemmend mich jek fürbas
In derselben statt ein Fraw saß/
Die jrem botten Seiden gab
Die verwürcket vnd verwab/
Er wolt aber Seiden kauffen
Die Fraw sprach/heh/ich muß lauffen/
Verziehendt hie ein kleine weil
Ich muß lauffen in schneller eyl/
Vnd gehn in das nechste hauß
In dem da lieff die Fraw hinauß/
Sie lieff auff das Schloß bald zuhand
Da sie den werden Fürsten fand
Vnd hiesch dem König das bottenbrodt
Sie sprach/O Herz nun hand kein not/
Ich hoff vnd darffs auch reden frey
Das vnser Königin funden sey/
Ach Gott der König ward gar fro
Vor freud fiel er an dfrawen do/
Er küßt sie weinend an den mund
Er sprach/Wo ist meins herzen grund?
Die mir mein leben hat getröst

Nun

Nun hilff Gott das ich werd erlöset/
Von meinem leiden vnd grossen leide
Das ich im herzen hab getreit/
Entbinde mich kummerten man
Von grossen schmerzen den ich han/
Da sprach die Fraw gar tugentlich
Nemmend den Herzog tugentreich/
Vnd kummen mit mir an mein gaden
Da selbst werden jr entladen/
Von grosser sorg vnd vberlast
Will euch zeigen ein frembden gast/
Derselb der wirts euch sagen wol
Wo man die Königin finden sol/
Der König der gieng da zuhand
Zum Herzogen den er bald fand/
Mit jm da gieng er bald dahin
Ja strack's fuß zu der Krämerin/
Da sach er wo der kauffman stund
Wie dann die keuffer alle thund/
Die kauffmanschaz wollen treiben
Der König mocht nit lenger schweigen/
Er fragt zu hand denselben knecht
Wannen er die kauffmanschaz brecht/
Er sprach/ ich kum auß Engelland
Von dannen bin ich här gesandt/

W

Der Koler kam in kummer groß
Mit treher er sein antlis b' goß/
Er sprach zu ihm mit grossem leid
Verheissen mirs bey ewerm eyd/
Das dem edlen vnd zarten Weib
Gar nichts bescheh an irem leib/
Damit sie nicht in kummer fall
Vnd oberkum noch grössern qual
Der Herkog stund gar nach bey ihm
Vnd hort des Kolars traurig stim/
Er sprach/nim hin die trewe mein
Da will ich Bürg vnd Schuldner sein/
Der Koler sprach / Wölln jr dann schawen
Die from/schön vnd lieblich Frawen/
So kontmen mit mir in das holz
Sie ist nicht brächtig oder stolz/
An Gott hat sie sich gar ergeben
Sie führet ein gar heilig leben/
Mit fleiß bitt sie Gott den werden
Für iren Smahel auff erden.
Der König sprach / nun sag du mir
Auff welche zeit kam sie zu dir?
Er sprach/ es ist wol vierdthalb jar
Das red ich /ist auch gwislich war
Da kam sie zu mir in den Tham

Ein

Ein Kindlein sie bald vberkam/
Der ist jekund ein schöner Knab
Mit fleiß ich im gedienet hab/
Er vertreibt mir vil seltsam gedancf
Mir ist die weil bey im nicht langf/
Der König sich da bedachte
Hub an /ließ sein herß auß forchte/
Das vor mit leid besessen was
Er hieß zu Hoff verkünden das/
Wie das die Königin funden wer
Von Gott da kam solches glück her/
Jederman was der Botschafft fro
Mit dem König so zoch man do
Ja mit freuden vnd grossem schall
Sampt Fürsten vnd auch Herrn all/
Reiten zu dem grünen walde
Da sprach der Koler gar balde/
Zum edlen König vnd Fürsten zart
Ir sollen sein gar wol bewart/
Dann die Fraw ist also gemut
Das wer wider Gottes willen thut/
Den scheuhet sie gar hefftig sehr
Drumb thund eins / volgen meiner lehr/
Vnd kommen mit mir heimlich dar
Ehe sie das getösses wirt gewar/
Sie wurd sich sonst eylends verbergen

Das wir sie schwerlich finden werden/
Der König thet als er im rieth
Auff das erfrewet wurd sein gmüt/
Das er so lang zeit hett verlorn
Von lieb der Königin hochgeborn
Als er nahe zum heußlin kam
Da lieff das knäblin in den than/
Es lieff vnd wolt vögelin schiessen
Das wesen fieng es an verdriessen
Dann da es so vil leut ersach
Gar bald er zu der mutter sprach/
Mutter/was thund die leut doch hie z
Gar bald die Königin erblickt sie
Vnd sag wie der König zuhar zoch
Da nam sie das kindlin vnd floch
Wie gern sie doch geflohen wer
Da was das kindlin vil zuschwer/
Doch gar vngern/sie bleiben wolt
Da thet der König als er solt/
Er lieff jr nach gar schnelliglich
Sprach/Traw erbarm dich vber mich
Erhör doch mich betrübten man
Ich hab dir ganz vnrecht gethan
Das ich bis an den jüngsten tag
Dir nimmer wider dienen mag/

Das

Das du von meinet wegen thon hast
Zart liebste Fraw verzeig mir fast
Sein trehen theten da fliessen
Von sein augen vff ire füssen
Ir gesicht sie zu der Erden hieng
Der werde König sie ombfieng/
Sie küßt ihn lieblich an sein mund
Er sprach/Gott sey gelobt der stund
Das ich dich/O mein edle kron
Mit Gottes hilff wider funden hon/
Er küßt jr äuglin vnd jr glider
Mut vnd freud kommend all wider
Das kindlin vor ihn beiden gieng
Gar herzlichen ers auch ombfieng/
Er sprach zum kind ganz erbermblich
Vnd solt ich han verderbet dich/
So wer mir doch mein hertz versencke
O wie hetst mir mein gmüt gefrencke?
Ach Jesu Christ/ du werder stam
Der von der reinen Jungfraw kam
Du hast geholffen mir vß node
Erbarm dich mein/ durch deinen todt/
Dein hilff die hat mich nie verlan
Mein trost vnd freud ich wider han/
Die ich mir hat vberkoren

hat

Hal mir auch ein Kindlin geboren /
Ja / dise mein hertz frommes Weib
Von irem reinen Blut vnd Leib /
Die ward mir b'schert in der jugend
Allein O Herz durch dein tugend /
Mein leid hastu jeh entbunden
Auch mich erlöset zu diser stunden /
Von grosser sorg vnd oberlast
Ein leibs Erben mir geben hast /
Da ward die zarte Königin rein
Geführt mit grossen freuden heim
Sich freuten / Burg / Stett vnd Land
Gottes wunder wurden erkandt /
Gross freudenspiel sich da erhüb
Dem Koler sein armut vergrub /
Der Koler s' Kindlins Götten ward
Da man erst tauffte den Fürsten zart /
Von dem König auß hoher art
Ein ganzer hoff beruffet ward /
Zu ehz vnd gunst dem zarten bild
Welcher in dem grausamen g'wild /
So ehrenreich hat wider funden
Das sollen b'dencken alle stunden /
Ja alle fromme keusche Weiber
Bey ehz vnd frombkeit zu bleiben


Sich

Sich nicht leichtlich lassen verführen
Andre Mann sich nicht lassen irren/
So b'halten sie jr Weiblich ehr
Welche die verleurt / bekompts nicht mehr
Drumb halten euch züchtig vnd still
Bewillig keine solchen mutwill.
Sonder thund dise Königin anschawen
Also solln sich halten all Frawen/
So wirt man ewig von jr sagen
Auch lob vnd ehr daruon tragen/
Von wegen irer b'ständigkeit
Das sie b'halten hat jr reinigkeit/
Also hat dise G'schicht ein end
Das vns Gott seinen friden send.

A M E N.



Faint, illegible text, likely bleed-through from the reverse side of the page.








EMERITUS DE SPICHT
MAGISTRI GOTTWILHELM

[Handwritten text on the spine, partially obscured and difficult to read]

ALV





Centimetres

1 2 3 4 5 6 7 8 9 10 11 12 13 14 15 16 17 18 19

Inches

1 2 3 4 5 6 7 8

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

(Verf. ...)

nderbar-
ht / Von einer
 ranckreich vnd vn-
 ll / Auch eines alten Rits
 Hunde/r. Ganz
 lich zu lesen.



delberg.

D. LXXX.

2

Jg 113

